



TOSHKENT DAVLAT YURIDIK UNIVERSITETI REKTORINING B U Y R U G ' I

31.01.2025

22-um-son

XDFU

Respublika oliy ta'lim kengashining 2024-yil 12-dekabrda 1-sonli majlis bayonida belgilangan vazifalar ijrosini ta'minlash to'g'risida

O'zbekiston Respublikasi Prezidentning 2024-yil 18-20 noyabr kunlari Oliy Majlis palatalari majlislarida bildirilgan tashabbuslari hamda Respublika oliy ta'lim kengashining 2024-yil 12-dekabrda 1-sonli majlis bayonida belgilangan vazifalar ijrosini ta'minlash maqsadida

B U Y U R A M A N:

1. Respublika oliy ta'lim kengashining 2024-yil 12-dekabrda 1-sonli majlis bayoni rahbarlik va ijro uchun qabul qilinsin.

2. Belgilansinki:

O'zbekiston Respublikasi Prezidenti tomonidan 2024-yil 18–20-noyabr kunlari Oliy Majlis palatalari majlislarida ilgari surilgan tashabbuslari prorektorlar, dekanlar, kafedra mudirlari, professor-o'qituvchilar, ilmiy izlanuvchi va talabalarga to'laqonli yetkazish choralari ko'rilsin;

mazkur tashabbuslar hamda belgilangan topshiriqlar bo'yicha ommaviy axborot vositalari, ijtimoiy tarmoqlarda Toshkent davlat yuridik universiteti (keyingi o'rinlarda universitet) professor-o'qituvchilarining chiqishlari tashkil etilsin;

ta'lim sifatini ta'minlash, ilmiy tadqiqot samaradorligini oshirish, ijtimoiy-ma'naviy muhitni barqarorlashtirish, moddiy-texnik bazani rivojlantirish borasidagi ishlarni jadallashtirishga alohida e'tibor qaratilsin.

3. Tashkiliy-nazorat va strategik rejalashtirish boshqarmasi (D.Maxkamov) 2025–2027-yillarda universitetda ta'lim sifatini ta'minlash, ilmiy-innovatsion faoliyatni rivojlantirish, ijtimoiy-ma'naviy muhitni yaxshilash, moddiy-texnik bazani modernizatsiya qilish hamda o'quv, ilmiy, moliyaviy va ma'muriy jarayonlari raqamlashtirishni nazarda tutuvchi "yo'l xarita"si loyihasini ishlab chiqsin. Bunda Toshkent davlat yuridik universitetining 2023–2030-yillarga mo'ljallangan strategik rivojlantirish dasturi (konsepsiyasi) doirasida amalga oshirsin.

4. Moliya-iqtisod ishlari bo'yicha prorektor (A.Iminov):

2025-yil “Atrof-muhitni asrash va “yashil” iqtisodiyot yili”da respublikamizda ko‘chat ekish, ko‘kalamzorlashtirish va obodonlashtirish bo‘yicha amalga oshirilayotgan tadbirlarni qo‘llab-quvvatlash, “oliy ta’lim namunasi”ni yaratish maqsadida universitet rahbar xodimlari va professor-o‘qituvchilarining roziligi bilan bir kunlik ish haqini “Yashil makon” umummilliy loyihasiga yo‘naltirish;

universitet talabalarining madaniyat va san’at muassasalariga tashrifini tizimli yo‘lga qo‘yish, ularni ichki turizmga keng jalb qilish, sport bilan shug‘ullanishi uchun yetarli sharoit yaratish maqsadida 2025-yil uchun universitetning budjetdan tashqari mablag‘lari bo‘yicha xarajatlar smetasida nazarda tutilishini ta’minlasin.

5. Tashkiliy-nazorat va strategik rejalashtirish boshqarmasi (D.Maxkamov) mazkur buyruqda belgilangan vazifalarning o‘z vaqtida va sifatli bajarilishini nazorat qilib borsin.

6. Devonxona (N.Ergashev) mazkur buyruqni universitetning manfaatdor tarkibiy bo‘linmalariga yetkazilishini ta’minlasin.

7. Mazkur buyruqning bajarilishini nazorat qilishni o‘z zimnamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Boshqarma boshlig'i

D.MAXKAMOV



Kelishildi:

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Moliya-iqtisod ishlar bo'yicha
prorektor

A.IMINOV



Katta yuriskonsult

A.TURSUNOV



Buyruq bilan tanishdim

D.MAXKAMOV